

علوم اقتصادیه و اجتماعیه

مجموعه علم

هر ایک برنجی کوئی نشر اولنور

مؤسسی :

احمد شعیب ، رضا توفیق ، محمد جبار

مدرسہ جات :

مباحث روحیه : ساطع . — ایکچھی فلیپ : احمد
شعیب . — بین الملل علوم اجتماعیه مؤسسہ سنک بدھی
قولنرہ سی : بدیع نوری . — یکر منجی مصرده مسئلہ اقتصادیه :
حسن محمدین . — انکترده رحملہ کوئی : رضا توفیق . — حکومت
و حریت حقندہ سینسک فلسفہ سی : رضا توفیق . — فرانسه
اختلال کبیری : احمد شعیب . — استقراضات .

مدیر و صاحب امتیازی :

محمد جبار

امور ادارہ و تحریریه : نور عثمانیہ جووانده طین ادارہ خانہ سی

نسخہ سی : ۱۰ غروش

استانبول

باب عالی جادہ سندہ هلال مطبعہ سی ، نومبر ۶۶

استقراضات

اعضاء عمومی

اعتبار باشقەسنە ئايد بر سرمايه يي ، صاحبك رضا و مساعده سيلە ، يا ايلار بده اعاده اولمق ، يا محدود يا غير محدود بر مدت ظرفندە قائلنى ويرىلتك ، ويا بونلرك ايكنى بده موجود اولمق شرطلە استعمال ايلكدر [۱] .

مالل متدندە اعتبار او قدر تمام ايتمشدرك بر تشبثلە مشغول اولوبده بوكا مراجعت ايتمەن بر كيسه يه تصادف اولونا ماز . حتى تشبثلە مشغول اولمايانلر بيلە مثلاً آلدقلى اشيا نك بدانى پشينا و بر مە دكلى تقدیرده بيلكسزین بر اعتبار مەاملەسى اجرا ايتمش اولورلر . افراد حقندە عمومی اولان بوحال دولتر حقندە عمومیدر . دولترده ، افرادكى ، هر زمان و هر بده اعتباره مراجعت ايتمشدرد . هر نه قدر بعض دولترك ديون محكمەسى يوقسەده ديون متوجه دن مصون هيج بر دولت يوقدر حتى ديون متوجه اعتبار عمومينك اك قدیم شكلیدر . بوكونده مؤسساتى تكمل ايتمەش اولان مملكتلرده حالا بونوع ديون زياده در .

افراد ايچين اولدېنى كى دولتر ايچينده اعتباره مراجعتى مجبورى قيلان حال عېنى بر زمانده تحصيل اولونان مقدار وارداتله وقوع بولاجق مقدار مصارفك تقابل ايتمەمسيدر . متفيض ، مترقى ، اداره ماليلرى منتظم اولان دولترده بيلە بعض احوال و اسبابك تاثيرات و اجرا آتيله

[۱] علم اقتصاد ، اوچينى بيلد

سنة نك بعض آيلرنده وقوع بولان تحصيلات او آيلرده وقوع بولاجق تأدياته كافي كلمز . بوتقديرده همه حال اعتباره مراجعت مجبورتي حس ايديلير . بوجبوريت آنجاق بودجه لده توازن حصوله كيتردكن باشقه هر سنه فضله لر بولوندورارق ، يا خود احتياط خزينه لري تشكيل ايديله رك ازاله اولونا بيلير .

ثانياً هر دولت ، حياتك، بعض ادوارنده تشبثات جسيه نافعه كي ، محاربه كي ، تجهيزات عسكريه كي امور عظيمه قارشيدسند بولونور . بونلرك استلزام اينديكي مصارف مفرطه بالطبع بر سنه نك واردات معتاده سيله تسويه اولونا ماز . بوتقديرده ده دولت همه حال اعتباره مراجعت ايدر . بوكون ملل متدنده اعتباره مراجعتي ايجاب ايدن اك مهم احوال امور نافع ايله محارباتدر . بونلرك برنجيسي اسكي زمانلره نسبت قبول ائتمه چك درجده زياده در . اينكنجيسي اولان محاربات بوكون دها آز وقوع بولمقده و دها آز دوام اينلكده ايسده يك عظيم مصارفه احتياج مس ايتدير مكده ، بويوك بر جهد و قوت صرفي استلزام ائتمكده در . بوكون ايكي بويوك دولت آراسنده يدي سنه ، يوز سنه محاربه لري كي محارباتك وقوعي احتمالاتي موجود دكلدر . فقط ايكي اوچ هفته دوام ايدم چك بر حرب هر ايكي طرفك احصاي قواسني ، هر ايكي طرفدن لاقل بر بوجوق ايكي ميليار فرائق ضايعاتي موجب اولور .

خلاصه دولترك اعتباره مراجعت مجبوريتلري زمانزده يك قطعي در . افراد ناصل بوندن فراغت ايدم مزسه دولترلده اويله جه واز كچه منزل . فقط عجبا اعتبار عمومي ايله اعتبار خصوصي آراسنده فرق يوقيدر ؟ اعتبار عمومي ايله خصوصي آراسنده مشابهتدن زياده فرق واختلاف واردر . افراددن سهولته اعتبارده دها آز مظهر اولانلرك منقول وغير منقول بر ثروتلري

یولنور. بونلر بوسایه ده یا اعتباره دها آزمراجعت ایدرلر، یا خودمراجعت ایتدکلی زمان دها مکمل تأمینات اراّه ایلرلر. افراددن بری وارداتیلر اداره ایدمه چکی فوق العاده بر مصرف قارشیسندنه بولونجه اسهام و تحویلاتدن مرکب بر ثروته مالکسه بونک بر قسمتی صاتار، ثروت غیر منقوله سی وارسه ینه بر قسمتی فراغ ایدر. بوحالده اعتباره صراجعتدن وارسه قالیر. مع مافیه بونلری الدن چیقارمق ایسته منه سه بیله ینه ترهین ایدره ک موافق شرائطله اعتبار بولایلیر.

حال بوکه دولت لک احتیاجلری دها مستعجل اولاجکی کبی اعتبارلری بک متحولدر. زیرا دولتلر افرادکی قولایجه فراغ ایدیلر بیله بک، الدن چیقاریلای آرزو اولوناجق بر ثروته مالک دکلدلر. بعض دولتلرک ابنیه امیریسه، سرایلری، اورمانلری واردر. لکن بونلره اویله بر آن احتیاجده قیمت حقیقه لرینی ویره بک بر طالب بولونامادقن باشقا بوکی ثروتلر بیع و فراغی تجویز اولوناجق ثروتلردن ده دکلدز. معدنلره، دیر یوللره مالک اولان دولتلر بونلری بیع و فراغ و ترهین ایدمه بیلدکلی کبی حق استفاده لرینی ده معین بر مدته باشقالرینه احواله ایلرله بیلیرلر. فقط بومعامله کندیلرینه استقراضدن دها بهالی اوطورور. بوندن دولانی اصول مالیه لری منظم اولان دولتلر بو طریق اختیار اتمزلر. دها صوکر ا بر دولت اساساً کندیسنه عائد اولمایان بر شیئی مثلاً معین بر صنعتک امتیاز و انحصار ایلر اجرایی حقنی بر قومانیایه فراغ ایدره ک احتیاجی اولدینی مبالغ عظیمه نی تدارک ایدمه یایر. مع مافیه بوده تعمیق ایدیلر بک اولورسه بالواسطه بر استقراض دیمک اولدقن باشقا ملککنده بر انحصار وجوده کلمه سی نتیجه سنی حصوله کتیریر.

اک صوک بر تدبیر اولقی اوزره دولتلرک نقددن و یا اسهام و تحویلاتدن

مرکب بر احتیاط خزینہ لری بولونا بیلیر . بو صورتله یرلی ویا اجنبی اسهام و تحویلاته مالک اولان بر دولت اضطراب زماننده بولنری صاتارق دفع احتیاج ایتدیکی کبی خزینہ نقدیه سی اولان بر دولتده بو خزینہ یی پوشالدارق اعتباره مراجعتدن وارسته قالا بیلیر . اوللری محارب و احتیاطکار حکمدارلرک هبسی بر خزینہ نقدیه مالکدی . اخیراً آلمانیا بو اصولی احیا ایتدی . ازمینہ قدیمده آتیلیرک ، رومالیرک ، فرانسهده دردنجی هارینک حرب خزینہ لری واردی . زمانمزه یالکیز پروسیا ایله آلمانیا بویله بر خزینہ مالکدرلر . برنجی فره دریق وفات ایتدیکی زمان ۳۲,۵ میلیون فرانلق بر خزینہ بر اقمشدی . اوزمان پروسیا ک اوج درت میلیون نفوسه مالک اولدینی و کوموشک قیملی بولندینی دوشونوله جک اولورسه بو خزینہ ک قیمتی نظامی ایدر .

ایکنجی فره دریق باباسنک آچدینی چیغیرده ایلریله مش و اولدیکی زمان ۲۵۰ میلیون فرانلق بر خزینہ بر اقمشدی . پروسیا بوترز حرکتدن اصلاً انحراف ایتمه مش ، بالعکس بومسلکنی توسیع ایتمشدر . ۱۸۷۰ محاربه سی اوزرینه فرانسه دن آلمان بش میلار فرانلق ۱۵۰ میلیون حرب خزینہ سنه تخصیص ایدیلوب نقداً محافظه اولونمده در . عللار و اختیارلر ایچین بر صندوق تشکیله ، قلمه لر و اسحه کارلر انشاسنه آریلان بر میلار ۱۶۰ میلیونی هنج شهمسز درت بش میلیونی هنوز یرلی و اجنبی اسهام و تحویلاتی حالده بولونمده در .

دولتلرک بو بر خزینہ مالک اولملری جائزیدر دکلدر مسئله نی ده بوراده استطراد قیلندن اولارق ذکر ایتک لازمدر . بعضی دیورلرکه : « دولنک وظیفه سی ادخار دکلدر . فضلہ وارداتی ویرکیری تنقیصه امور نافعہ یی تریده حصر ایتسه مملکتک ثروتی آرتدیرر ، دیونی

احكام و اطفای تخصیص ایسه حیثیتی، سرستی حرکتی تربید ایدر .
 دولتک صاقلانی بوسرمایه لر خزینده نام بر حالده قالیبور . صنایع
 ملیه بوندن محروم اولوبور . دهل سوکرا بویله بر خزینتک موجودتی
 دولتری بعض زمانلرده لزومسز مصرفاره سوق ایدر . « بوسوزلرک
 اکثریسی دوغرو اولقله برابر ناکهانی بر حرب ظهورنده بویله بر
 خزینتک ایضا ایدمک چکی خدمتک پک بویوک اولدینی ده اونودولماز
 بر حقیقتدره بویله بر زمانده استقراض عقد اولولسه بونک ایچین بر مدت
 لازمدر . حال بوکه حرب خزینتسی موجود اولجه ضروری ضروری
 اولان بومیلنه انتظار ایدیلیرک اشتراک لازمه اجرا ایدیلیر .
 بوقاریده سوبیلدیگمز کبی بوخزینه یا نقدی اولور ، یا خود اسهام
 و تحویلاتدن مرکب بولونور . برنجی تقدیرده خزینتک محتوی اولدینی
 نقود حرب زمانده در حال ایشه یارارسده بوکا مقابل بر محذوری
 واردرکه اوده بوباره نك تماماً میدان تداولدن قالمش اولماسیدر . پروسیا
 بوکا مانع اولقی ایچین هان اونقوده مساوی سندات اخراج ایتمکده در ،
 بوسندات فقهه قابل تحویل دکلدر . فقط مال صندوقینه نقد مقامنده
 قبول اولونور . ایکنجی تقدیرده ایسه دولت مالک اولدینی اسهام و
 تحویلاتک قاضی آلیر . بوقاضی یا سرمایه ضم ایدمک خزینتی
 قبارتیر ، یا خود بوسایده ویرکیلرک تخفیف بارینه چالیشیر . بواسهام
 و تحویلاتده یانشبات محلیه نك یا خود اجنبی دولترینک اخراج ایتدکری
 سندات اولور . فی الحقیقه بر دولت تشکیل ایدمک چکی خزینت ایچین برلی
 اسهام و تحویلاتی صاتین آلیسه سندات محلیه نك راجحی یوکسه لشم ،
 قاضیک مقدارینی آزالشم ، مملکتده اعتبارک شرائط عمومیه سنی اصلاح
 ایتش اولور . لکن حرب زماننده بونلر قیملرینی پک زیاده غائب

ایده جک کردن بوطریق حرکت تعقیب ایدیلن مقصده مخالف دوشر .
آنک ایچین دولتر خزینۀ حربیه لرینی معتبر اجنبی دولترک اخراج
ایتدکری اسهام ایله تشکیل ایتدیلدرلر . معافیۀ خزینۀ صاحبی اولان
دولت صاتین آلاجنی اسهام ونحو یلانک کندیسه ایله حربیه کیریشمه سی
محتمل اولمایان بر دولترک سنداتی اولماسنه ایتقام ایله ملیدر .

خزینۀ حربیه حقنده ویره جکمز معلومات استطرادیه بوراده ختام
بولویور . زمانزده بویله بر خزینۀ مالک یالکیز بر دولت بولوندیغندن
بونیده احتیاج زماننده دولتری اعتباره مراجعتدن مصون بر اقاچق
بر تدبیر کی تلقی ایدمه یز . ایشته بواحوالندن دولاینی دولترک اعتباری
اعتبار افراددن دهامشکوک ، دهامتحولدر .

اعتبار عمومی ایله اعتبار خصوصی آراسنده موجود فروق واختلا -
فانک ایکنجیسی افرادک بودجه لرینک مصارف قسمی تنقیص ایدیلک ممکن
اولدینی حالده دولترک بویکی تنقیحاتی اجرا ایتدیلرنده کی عدم امکاندر .
افراد مصارف اداریه سی تنزیل ایدمیلیر . حال بوکه بر دولت بوکا اصلا
مقتدر اولاماز . دولترک مصارفی باشلیجه اوچ قسمدن مرکبدر : (۱)
دیون عمومیۀ فائض ورأس الماللری ، (۲) امور نافعۀ ، (۳) معاشات .
دولت برنجی نوع مصارفی کندی آرزوسیه تنقیص ایدمه یز : مکرکه
بونلری تأدیده بر عدم امکان موجود اولا . امور نافعۀ مصارفی ده
ایکی دورلودر . یا امور موجوده نک تعمیراتی ایچین وقوع بولور ،
یاخود یکی بعض تشبثات ایچین . برنجی تقدیرده مصارف تنزیل ایدمیلیرسه
وجوده کتیریلن شیلر خراب اولور ، ایکنجی تقدیرده یعنی باشلانیلان
امورک عدم اکالی حالده بونلردن استفاده ایتک ممکن اولمایه جنی کی
معطل بر اقیلان انشا آنک محو اولماسی ده محققدر . بناء علیه بومصارفک

یا لکز هنوز باشلانش امورہ متعلق اولان قسمی تنزیل ایدیلہ بیلیر ۔
 اوچنچی قسم مصارفده دولتر افراد درجه سنده تقیحات اجرا ایدہ منزلہ
 مصارفک مهم بر نسبتده تنزیل ایدیلہ مہمہ سی دولترک اعتبارہ
 مراجعتلری تکثیر ایتدیکی کبی اعتبار عمومینک اعتبار خصوصیہ
 نسبتلہ دہا متحول اولماسنی دہ انتاج ایدر ۔ ثالثاً دولترک وارداتی دہ
 آلاستیقیدر ، بر حد ایله معین دکلدر ۔ عیج کیمہ بو وارداتک نہ درجہ
 قدر آرتاجقنی ، مشکلات سیاسیہ ، اجتماعیہ ، اقتصادیہ تولید ایتیمک
 شرطیلہ دولترک ایراد افرادک نہ مقداریخی ویرکی دیبہ اخذ ایدہ بیلہ جکنی
 قطعاً کسديرہ من ۔

رابعا افراد استقراض ایتدکلری مبالغتک رأس المال وفائضی تأدیہ
 هر زمان محاکم واسطہ سبیلہ مجبور ایدیلہ بیلیر ۔ حال بوکہ دولتر حقندہ
 بویلہ بر قوۂ جبریہ استعمالی تصور بیلہ اولوناماز ۔

خامساً اعتبارہ مراجعت ایدن بر دولت زوال ناپذیر بر شخص
 عد اولونور ۔ بو حال دولت استقراضاتندہ کوروولن مختلف اصوللرک
 اسبابندن برینی تشکیل ایدر ۔ اشاعیدہ کورہ جکمز وجہ ایله استقراضات
 عمومیہ ایله استقراضات خصوصیہ نک شرائطی او قدر مختلفدرکہ اعتبار
 عمومی ایله خصوصی آراسندہ کہ شو فرقلر آکلاشیلا بیلجق اولورسه
 بو مختلف اصول و شرائطک اسبابی ادراک و تیقن اولوناماز ۔

۴

استقراضات عمومیہ و نتائج اقتصادیہ سی

عجبا استقراضات عمومیہ ایمیدر ؟ قناییدر ؟
 اون سکزنچی عصرده بر چوق مؤلفلر دولتر طرفندن عقد اولونان

استقراضاتك حد ذاته يك اى اولديغى ادعا ايتشلردر. بونلردن برى ديون عموميه نك ثروت اجتماعي تزييد ايتديكنى سويله مش، بر باشقاى ديون عموميه اتون معدنى نشريله باقىش و بوسلسله مؤلفين ايچنده ديون عموميه يي صاغ الك رسول اله بورجى كې خدايدء نلرده اكسيك اولما مشدر؛ بعضيلرى ديون عموميه نشر رانده لرك مقدارينى تزييد ايتديكنى، رانده لرك صنايعى تشويق و تشجيع ايله دكلرينى؛ استقراضات سايه سنده يرلى سرمايه دارلرك سرمايه لرى ايچين محل وضع بولارق بونلرى خارجه كوندرمكه مجبور اولما دكلرينى ادعا ايتدكلرى كې بعضيلرى ده انكلتره نك بوكونكى ثروتى ديون عموميه سته عطف ايتشلردر. بونلرك هپسى استقراضاتك لهنده ايراد اولولونان دليللاردر.

ديكر بر سلسله مؤلفين ده استقراضاتى حد ذاته فنا، مضر برشى كې تلقى ايتمشدر. بونلر عديته مستولى اولان بوتون مصائب مده شهنك بالخاصه محارباتك سبب مستقى استقراضات اولديغى، دولتلرك عقد ايدء جكلرى استقراضاتك بار محببى انسال آتیه به تحمیل ايدء بيلدكلرى ايچين بر تصادف پوتيقه سي تعقيب ايله مكدن چكيدكلرينى، استقراضاتك سرمايه دارلرى زنكيشتهرك عدم مساوات اجتماعى تزييد ايله ديكنى، بوش كزه نلرك مقدارينى آرتيرديغى سويله نورلر.

اعتبارك استحصالات نقطه نظرندن نه قدر مهم اولديغى بيلدكميز ايچين دولتلرك استقراض عقد ايتك اقتصادلرينى بويوك بر ايلك كې تلقى ايتمكه هيچ تردد ايتميز. كائناتده ايلكه و فائده مصرف اولاييله جك بر چوق قوتلر وارد؛ اعتبارده بونلر كيدر.

قوت حد ذاته ايدر، اكر صورت استعمالنى بيلرسك، فنا قوللا نيرساق او زمان توليد مضرات ايدر. بقض دولتلرك اعتبارى سوء

استعمال اینه‌لری بوقوتی علماً انکار ایتمک کمزه بادی اولامازه اکر دولتر بوگون اعتبار بولاماسه لر دی قرون وسطی ده تعمم ایدن حرب خزینتسی اصورندن هیچ بر حکومت فراغت ایده مزدی، و او زمان صرف نقددن عبارت اولاجق اولان بوزینتیه مملکتک سرمایه متداولی مهم بر مرتبه ده تنقیص ایدردی .

استقراضات عمومی مجتهدکی مطالعاتک الیه بوماری (وولتر) ایله (مه‌لون) طرفدن سرد ایدیشدر . وولتر دداخله مدیون اولان بر دولت دوچار فقر اولمازه ؛ مه‌لون « دیون عمومی صاغ الک صول اله بر بورجیدر » دیشدر . بومخالطه‌له نظراً صاغ ال مکلفین ، صول ال رانته‌لردر . پاره‌نک بونلرک برنده ویا دیکرنده بولونماسی دولجه حائر اهمیت دکلدر . فقط عجبا حقیقت بو مرکزده میدر ؛ هیچ شبهه سزکه دکل : فرض ایدلم که بر دولت داخلی بر استقراض عقد ایدیور . بوکا یالکز یرلی سرمایه دارلر قید اولونویورلر . دولت هر سنه نهایتده بونلره — که رانته‌یه دینلیر — اقراض ایتدکاری مبالغه فائضی تأدیه ایده جک و بوفائضی ویرکی نامیله اهاالیدن آلاچقدر . یعنی مکلفینک جیندن چیقان سرمایه دارلرک جینه کیره جکدر . فقط باستیسانک دیدیکی کبی بو محاکمه ایشک ایچ یوزنی کورمه مکن نشأت ایدر . اکر استقراض عقد ایدلمه مش اواسه یدی رانته‌لر سرمایه لرنی مملکتک بر چوق تشبثات نافع سنده استعمال ایده جکلر ، بوسایده دولتدن آندقلری فائضه مساوی و بلکه دهافضله بر فائض آلاچقلردی . دیکر طرفدن مکلفین ده هر سنه استقراضاتک فائضی اوده نمک اوزره دولته ویردکلری فضله ویرکی یا تشبثات صناعیه و تجاریده قولالانارق هم کندیلری مستفید اولاجقلر ، همده مملکتک ثروت مستحصله‌سنی آرتیراجقلردی ، یاخود بومیلنی صاقلایارق بر

سرمایه تراکم استدییره جککردی . دیمک که بوتقدیرده هم رانیه لر ، هم مکلفین ، هم مملکت متفع اولاجقلردی . حال بوکه استقراض وقوع بولنجه مکلفینک و بایکده مملکتک ضررینه اولارق یالکز رانیه لر سرمایه لرینک فائضی آلیورلر .

مملکتک عقد ایتدیکی استقراضاتدن وقوع بولاجق استفاده سنه کلنجه بوبابده شونی سویله یه نیایرز : استقراض حد ذاتنده فوق العاده معصوم و مشروع بر معاصله در . بوندن انتفاع ایتک صورت استعمالنه وابسته در . بر دولت مبالغ مستقرضه نی حسن استعمال ایدرسه ، مملکتده تولید ثروت ایده جک خصوصاته صرف ایلرسه آدن متفع اولور . رانیه لر ویردکاری مبالغک مقابلی استرداد ایدرلر ، لکن بوکا مقابل مملکتده برده میر یول ، بر قانال قالمش اولور . حال بوکه استقراض ایدیلان مبالغ اسراف و تباه ایدیایرسه ، چیلنجه تشبانه ، ضیاعلره ، تنزهرله صرف اولونورسه جمعیتک دوچار فقر اولاجنی سوز کوتورمز . زیر بوتقدیرده رانیه لر سرمایه لرینک مقابلی استرداد ایدکاری وقت مملکتده بوکا قارشى هیچ فائده قالمش اولماز .

استقراضات عمومیه نک مملکتده تصرفاتی تشویق ایتیه سی حقتنده کی مطالعه تماماً اساسنر دکدر . فی الحقیقه بر دولت بویوک بر استقراض عقد ایدر و بو استقراضه قید اولوناجقلرک تأدیه ایده جکاری مبالغی بش اون تقسیطده طلب ایلرسه بوسایده مملکتده تصرفانک مقداریخی تزئید ایتمش اولور . اولجه تصرف ایده جکاری مبالغ ایچین بو درجه ده کار ویره جک بر محل استعمال بولامایانلر شیدی مصرفلرینی تنقیص ایدرک . تصرف ایتیمکه باشلارلر . مع مافیه خلقه بر درس ویره جکم ، تصرفاتی تشویق ایده جکم دیه بهوده استقراض عقدی تجویز اولوناماز .

استقراضاتك نتائج اقتصاديه سندن بری ده - ايلك زمانلر ايجين - اهالی آراسنده اسهام و تحویلاته امنیت ایتک حسنی تولید ایتمه سی، اعتبارك ترایدینی موجب اولماسی و فکر تشبثی نشر ایلهمه سیدر . دولترك استقراض عقد ایتهلری آنونیم شرکترک مظهر اعتبار اولمالرینه پک زیاده خدمت ایتمشدر . اگر دولتر استقراض عقد ایدره اسهام و تحویلات اخراج ایتمه سهردی اهالینک قسم اعظمی، بالخاصه سرکردن اوزاق محللرده ساکن اولانلر، آنونیم شرکترک چیقاراجققلری سندانه اصلا امنیت و اعتبار ایتزلر و بر صورتله مملکتده برچوق تشبثات وقوع بولامازدی . دولت هر کسجه امین طانتش بر شخص اولدینی ايجين استقراضات عمومیه به بلا تردد اشتراك ایدن اهالی یا واش یا واش بونکله ائتلاف پیدا ایدره رك خصوصی شرکترده امنیت ایلهمکه باشلامشدر . هجرا لرلده ساکن اولانلر تصرفاتلرینی چیقینلر ايجنده حفظ ایتمکده ایکن بواعیتاد و ائتلاف سایه سنده چیقینلر بوشانتش، مملکتک مهم بر سرمایه نائی ایشله دیشدر . استقراضات عمومیه نك بوفانده سنی انکار ایدره مزسه کده صیق صیق عقد ایدره لك دولت استقراضاتك مضر اولایفنی ده ادعا ایتمکدن چکیغیز . چونکه بوتقدیده اهالی سرمایه لرینی صرف دولتك امضاسی تحتنده برسندله اقراض ایتکی آرزو ایدره جکندن تشبثات محلیه ايجين لازم کلن سرمایه لر تدارك اولونماز . برده مملکتده طوپالانانك كوچوك بر سرمایه لر بيله دولتك اخراج ایتدیکی سنداتك اشتراسته حصر اولونارق زراعتك، صنایعك ترقیسنه خلل طاری اولور . مع مافیه بوراده شو مخذولری تولید ایدن شی استقراضك اساسی دکل دولت طرفدن بر صورت متوالیه ده عقدیدر .

استقراضات عمومیه نك بر نتیجه سیده مملکتده متداول سرمایه نك مقداری

تفصیل ایدرک فائضی یو کسه لته‌سی ، بونک ده صنایع ملیه نک مصارف
استحصالیه‌سی آریدیرمائی ، تجارتک تمتعاتی آزالتامائی ، افراد ویاشرکات
جانبندن وجوده کتیریه جک امور نافعنه نک تأخیر اجراسینی موجب
اولماسیدر . بر استقراض عقدایدیلنجیه بونک (آنغرو Engros) یعنی طوبدن
صایتین آلانلرک تجویلاتی تماماً کوچولر ایشیه لرك انه قدرار جاع ایتهلری بمضاً
درت بش سنهیه متوقف اولور . بومدت ظرفنده مملکتده وقوع بولان
کافه تصرفاتی استقراض بلع ایتدیکندن و امور صناعیه و نافعنه متشبهلری
طرفندن اخراج اولونا جق سنداته طالب وراغب بولونماز ، بواشبات ده
وقوع بولماز .

دیگر طرفدن استقراض عقد ایدیلنجیه مملکتک سرمایه متداولنک
آزالاتجی پک بدیهی بر حقیقتدر . فقط تناقص ایدن مقدار ، عقد
اولونان استقراضک مقدارینه مساوی اولما یوب اولندن آزدر ، زیرا
استقراضک بر قسمی اولج و وقوع بولوب ذاتاً میدان تداوله اخراج
ایدیلیرک سرمایه نأتم حالنده قالان تصرفات ایلده بر قسمی یکیدن تشویق
و تشجیع ایدیلن تصرفات ایلده اور تولدیکیکیمهم ر قعنه ده اجنبیلر اشتراک ایلرله
بر استقراضه جانبک اشتراکنده فائده اولوب اولمادیقی مسئله‌سی
بر جوق مناقشاتنی موجب اولمشدر فرانسه ده قوندورسه استقراضک
فائضی ممالک اجنبیه کیده جکی جهته اجانبک استقراضه اجتناب ایتهلری
اصلاً تجویز و تصویب ایتدیردی . فی الحقیقه فائض خارجه کیدیور
و خارجهده استعمال اولونویورسه ده بوکا مقابل مملکتده بیشه‌ش مهم
بر سرمایه داخله کیریور . مملکت ، شاید استقراضی مولد ثروت اولاجق
خصوصانده استعمال ایتک ایچین عقد ایتسه بوندن متفع اولویور . بالکس
مولد ثروت اولمایدجق خصوصانده استعمال ایدرسه بونده ده کار واردر چونکه

استقراض داخلی اولسه ییدی مملکتک بر سرمایه می محو اولدندن باشقا ایرادی ده
 آزالا جقدی. شیدی شیخ اولماز سه یالکیز بر اراستاقصی محدودی وارد اولو یوره.
 اهالیسی چالیشقان اصول مالیه می منتظم و تنسیقات اقتصادیسی مکمل
 متفیض بر مملکت داخلده پک قولای اعتبار بولور. حتی بویه بر مملکتک
 داخلده کی اعتباری خارجدن زیاده در. بوشرائطی حائر بردولت استقراض
 عقد ایدنجه اخراج ایتدیکی سنداتک قسم اعظمی ریلر طرفندن اشترا
 اولوندندن باشقا جانبک اشترا ایتدیکاری سنداتده بر مدت صوکر ایاواش
 یاواش مملکته کلیر، رلی اهالینک الینه کچر. بو بر قاعده عمومی، بر حادثه
 منتظمه اقتصادی در. بناء علیه دولت سر نه قدر جانبدن دائمی اولار ق
 یاخود اوزون مدته مهم بر سرمایه تدارک ایدمه من سه ده استقراض سنداتی
 موقع تداوله وضع اولوندینی صسیراده، بونی تعقیب ایدن ایلک آیلرده
 اجانب مملکته مهم بر مقدار سرمایه کوندیرر. استقراض نه صورتله عقد
 اولونور سه اولونسون ابتدا مملکتک بویوک باققری طرفندن قاپانیر.
 بونلر بالاخره طویدن تاجر کچی حرکت ایدرلر. حال بوکه بوکون اعتبارک
 بر طبیعت عمر میه سی، بین المللی بر مامیتی واردر. مملکتک بویوک
 بانقارینک هپسنک ممالک اجنبیه ده شعبه لری، مخابر لری شریک لری بولونور
 بانقار ممالک اجنبیه ده بولونان بواولره مراجعت ایدرلر. بونلرک معاوتله
 مملکتک سرمایه متداولی مهم بر تنافسه اوغرا مقندن فور تولور. فی الحقیقه
 بواجنبی بانقاری آلدقاری سندتی حفظ ایتک اوزره آمازلر. متوسط
 وظیفه سنهی ایفا ایدرلر. لکن جانبک بوراده ایفا ایتدیکاری خدمت پک
 بویوکدر. فرانسه محاربه دن صوکر ۳۱ میلیارد فرانلق استقراض ایتدیکی
 زمان اجنبیلرک طالب اولدقاری سنداتک مقدار قیتمی برلی اهالینک طالب
 اولدقاری سنداتک مقدار قیتمدن پک زیاده ایدی.

اخذیله دیگر بر صورتلده ، بالواسطه ، استقراضه معاونت ایدرلر .
 « بین الملل اسهام و تحویلات » نامی آلتنده بر طاقم سندت و اردرکه بونلر
 اوروپانک مهم بورسهرلینک هپسندده مقیددر ، هر بیاسدهده بویوک بر رایجه
 مالکدرلر . بر دولت استقراض عقد ابدہ جکی زمان بورسہسندده مقیداولان
 اسهام و تحویلاتک کافہسنک فیاتلری دوشدیکی کچی بو بین الملل اسهام
 و تحویلاتکده فیاتلری دوشر . حال بوکه ممالک اجنبیہده بو سندتاک
 مشتری چوق اولدیغندن بونلر بدللرینی اعطا ایدرک بو سندتاق
 صاتین آلرلر . یرلی بایلرده صاندقلری بین الملل اسهام و تحویلاته مقابل
 آلدقلری مبالغله استقراضه اشتراک ایلرلر . فرانسه تضمینات حربیہسنک
 تأدیہسندده بو بین الملل اسهام و تحویلات مهم بررول ایفا ایتمشدر .

استقراضات ایله نتایج اقتصادیسی حقندده ویره جکمز معلوماتی ده
 زیاده اوزاتمایاجقز . استقراضاتک ایسلکی و فنانی صورت استعمانه تابع
 اولدیغنی ، شو صوک زمانلرده آوروپانک اکثر دولتلرندده کورولدیکی
 کچی صیق و کثیر اولارق عقد ایدیلہجک استقراضاتک مملکتک عضویت
 اقتصادیسنی رختہدار ایله یه جکنی ، مکلفینی برابر ثقل آلتنده ازه جکنی
 اونوتماقله برابر منافع و محسناتیده خاطرندن چیقارامالی ز .

۴

استقراض و ورکی

عجبا بر دولت ایچین احتیاج زماننده استقراضه می یوقسه ورکی یه می
 مراجعت ایتک دها مصیب و موافقدر ؟

استقراض عقد ایتمک ، حال حاضرده تحمل ایدیله جک بر باری
انسان آتییه تحمیل ایله مک ؛ بر احتیاج مجملک استلزام ایتدیکی مصارفی
اوزون برطاقم سنلره تفریق ایتمک دیمکدر . هر دولتک اسلافندن آلدینی
مال موروثی اخلافنه فضله سیله ترك ایتمه سی شرطیله بو حق حائز اولدینی
قبول ایتلی بز . یوقسه بر بطن بومتروکانی محو و خراب ایده جک اولورسه
وظیفه سی ایفا ایتمه مش عد اولونور .

دیون عمومیته مک مشروعیتی تصدیق ایتمکله برابر ویرکینک بوکا
مرجح اولدینی ، یعنی بر احتیاجی استقراض سایه سنده استیفا ایتمکدن ایسه
ویرکی حاصلاتیه استیفا ایتمک ده کارلی اولاجقنی ادعا ایدملر وارد
آدام سمیت ، ژان بایستسه ، ریقاردوه ، غلادستون بوفکرک طرفداریدرلر
عجبا بوفکرک بوسؤاله جواب و بره ییلمک ایچین دولتلك استقراض ایله
ویرکیدن هانکیسیله دها چابوق دفع احتیاج ایده جکلرینی و بونلردن
هانکیسینک مملکته ده نافع اولدینی تدقیق ایله مک لازمدر .

ویرکینک استقراضه نسبتله اک بوبوک محذوری بر احتیاج سریع و فوق العاده مک
تکالیف ایله استیفا ایدیله سنده کی مشکلاتدر . استقراض سایه سنده اوچ بش
هفته ایچنده مهم بر مبالغه الده ایدیله ییایر . بومبلنی ویرکی حاصلاتندن
تدارک ایتمک ایچین بش آتی حتی برسنه بکله مک لازم اولدقدن باشقا
حسابانده یاکیلکی ، حیل و دسایس وقوع بولق ، شدتلی قوتلر ترتیب
ایتمک ، فضله مأمور استخدام ایله مک کبی بر چوق محاذیرده موجوددر .
بعض مملکتلر بو محذوری مخلف بر اصوله مراجعتله تحفیف ایدیورلر .
دولتک احتیاجات فوق العاده سنه مقتضی مبالغی تدارک ایتمک ایچین برطاقم
ویرکینر طرح اولونمغله برابر بونلرک تحصیل اولوناجنی زماک حلولنه
انتظار و قیصه وعده لی خزینته تحویلاتی نشر و اخراج ایدیلور . بوسایده

هم دولتک ديون محکمه سی آرتمایور ، همده احتیاجات عاجله وقتيله استیفا ایدیلش اولویور . قریم محاربه سی ائساننده انکلتزه ابتدا بو اصوله مراجعت ایتشد . مع مافیه بو اصولی هر دولت تعقیب ایدمهز ، بونلک ایچین احوال و شرائطک مساعد و موافق بولونماسی ایجاب ایدر . حال بوکه هر حکومت بویه احوال مناسبه داخلتده بولونماز ، بناءغیه بویه برتشدده کیرشه مز . اولاً دولتک احتیاجی انکلتزه نك قریم محاربه سی ائساننده کی احتیاجندن ده عاجل و دعا چوق اولاییز ، نایماً مملکتک احوال اقتصادیه سی انکلتزه نك اوزمانکی احوال اقتصادیه سنه بکزه مز ، ثالثاً خزینه تحویلاتی نهایت اوج بش سسنه ایچنده اوده نه جکندن اسهام و تحویلاته بر فرط رغبت اظهار ایدن اعمالی بونلری قبوله پک مهیا بولونماز . بونک نتیجه سی اولارق بو صورتله تدارک ایدیلجک مبلغ پک جزئی اولور . و برکی وارداتی استحصال ایدیلنجیه قدر مبالغ لازمه یی آوانس صورتيله بانقاردن آلمق چاره سی تصور اولونا بیایرسده ، مقداری میلیاری کچن بر مبلغی اقراض ایتمه که راضی اولاجق برنک بانقا ، یا خود بر بانقا سندیه سی بولمق ده محالدر .

شوراسی ده اونودورلما ایدرکه احوال فوق العاده ده ، یعنی دولتک واردات عادیه سنی بیه تحصیلده مشکلات چکدیکی بر زمانده مملکته فوق العاده برطاقم و برکیلر طرح ایتک عذیم الامکان اولور . برده بردوات و برکیلرک مقدارینی الی نهایت تزید ایتک اقتدارینی حائز دکلدر . قریم محاربه سی ائساننده انکلتزه ده تکالیف پک خفیف اولدینی ایچین ، مملکتک کچیردیکی ادوار مدیده صلح و مسالمتده و برکیلرک مقداری دائماً تنزیل و تخفیف اولوندینی ایچین حکومت بونلرک مقدارینی - اهالیجه بر ضرری شکایتی مؤدی اولمق سزین - آرتدیرا ایتشد . بوگون آوروپا دولترلرندن

ایکسی آراسنده بر محاربه وقوع بولاجق اولسه بردن بره مناقلات توقف
ایدره استهلاکات آزالیر، ایفای تعهدانده مشکلات چکیلکه باشلار .
بویله بر زمانده ویرکیلرک تربید مقداری اصلالمنکن اولنادینی حانده یوقاریده .
ذکر ابتدیکمز بر مطلق اسبابدن دولانی استقراض اولدقچه سهولته عقد
اولونور . بناء علیه احتیاج فوق العاده زمانده اصل اولان استقراضدره
ویرکی آنجق بوکا بر معاون اولایلیر .

انکلتره بیلله نه قریم محاربه سندن اولکی محارباتنده نه ده قریم محاربه سنده
حرک تولید ایتدیکی احتیاجات فوق العاده یی یالکز ویرکی ویا یالکز
استقراض حاصلاتیه استیفا ایدمه مشدر . قریم محاربه سنک ایجاب ایتدیکی
بر میلیار ۷۵۰ میاون فرائق مصارف فوق العاده نک ۷۵۰ میلیونی یعنی
 $\frac{2}{5}$ ی ویرکی ایلله ، بر میلیاری یعنی $\frac{2}{5}$ ی استقراض ایلله تدارک
اولونمشدر . انکلتره ابتدا بالواسطه و بلا واسطه ویرکیلری تربید ایتدی .
لکن بوندن معلوب اولان سرعت تحصیل حصوله کلدیکنی کوره رک
برقاج آی ونهایت بر سنه سوکرا تأدیه ایدیلجهلک فائضلی خزینه تحویلاتی
اخراج ایتکه باشلادی . تحویلاته چوق مشتری بولونامدیفن ۳، ۴، ۵
سنه سوکرا تأدیه ایدیلک اوزره اوچ ترتیب تحویلات اخراج ایلدی .
بش آله آی سوکرا بوکا بر ترتیب دما علاوه ایلدی . بو طرز حرکت
ویرکی واستقراض اصوللرینک مزج وتوحیدی ایچین بوکونکی بارک انسال
آتییه تحمیل اولونماسی ایچین اختیار ایدیلشدی . لکن بوده کافی
کوره لمه رک بر مدت سوکرا ترک اولوندی . یکیدن دیون محکمه عقد
ایدیلدیکی کبی اولجه اخراج ایدیلن شو ۳، ۴، ۵ سنه وعده لی خزینه
تحویلاتی ده تحویلات محکمه یه تبدیل ایدیلدی .

انکلتره نک بو حرکتی پک مصیب ایدی . زیرا استقراضه مراجعت

ایتمه یوب ویرکینک مقدارینی دها زیاده آرتدیرمق ممکن دکلدی . بوندن مملکتجه مدھش بر بحران اقتصادی ظهور ایدہ بیلیردی . دولت یوزده اوچ ، اوچ بوجوقله استقراض عقد ایدہ بیلدیکی بر زمانده مملکتی بویله مخاطره لره سوق والقا ایتک البتہ پک عظیم برخطا اولور .

خلاصه مصیبت زمانلرنده ویرکی استقراض یرینه قائم اولاماز، بویله بر وقتلرده بر مملکت هم ویرکی به ، هم استقراضه مراجعت ایتما مملکت وظیفه سنده قصور ایتش اولماز . برده شوراسی نظردقتدن دور طوتولما لیدرکه بر استقراض عقد ایدہ بلنجہ بونک فائضی ومدت معینه نظر فنده رأس المالنی تأدیہ ایتک ایچین یکی ویرکی طرح ایتک مجبوری تی واردر . بوندن دولایی ویرکلیری خفیف اولان مملکتلردن تکالیفه مراجعت ایتزدن اول استقراض قایمسی آچاما لیدرلر . فرانسه شیمیدی به قدر بوقاعدہ احتیاطه هیچ رعایت ایتما مش ، الک بویوک محارباتندن الک کوچوک اسفارینه قدر همان هپسینک مصارفی استقراض ایله اورتمشدر . قریم محاربہ سی ائناسنده بر میلیار بش یوز میلیوناق استقراض ایتش ، ویرکی سایه سنده آنجا ق ۷۰ ، ۸۰ میلیون استحصال ایله مشدر . حال بوکه مؤفلر مبلغ مستقرضه نک نصفنه قریب بر مقدارینک ویرکی ایله تدارکی ممکن اولدیغنی سویله یورلر .

بعض احوالده فوق العاده بر ویرکینک تماماً استقراض یرینه قائم اولایله جکنی ظن ایدہ نلرده واردر . بومسئله فرانسه آلمانیا به تضمینات اعطا ایدہ جکی صیراده موضوع بحث اولمشدی . اوزمان فرانسلرک ثروت موجوده سی یوز میلیار فرانقندن آشاغی تخمین ایدیلده دیکندن ویرله جک بش میلیار تضمینات ایچین هر فردک ثروتک یکرمیده بری ویرمه سی یولنده بعض تکلیفات درمیان اولومشدی . بویله بر تصورک حین حصوله ایصالی ممکن دکلدر . اولاً تکالیف بخشده کوردیکمز وجه

ایله بر مملکتده تماماً بحق وعادل بر اصول تکالیف وضع ایتمک ممکن دکلدره. هر اصول بر طاقم خطالر سوروکلر ، ویرکی متعدد وخفیف اولورسه بومساوانسزقلره تحمل اولونور ، بونلر یکدیگرینی ^{مصحح} اولورلر . حال بوکه سرمایه افرادک یکرمیده بری آلیغق ایسته نیلیرسه ، یعنی آغیر بر تکلیف واحد اصولی قبول اولونورسه بک مدهش حقسزقلر وقوع بولور . هر کسک مقدار ثروتی تعیین ایتمک هر فردک ثروت موجوده سندن بورجلرینی ایندیرمک نه قدر مشکل برایشدر ! بواصر مشکلمده فرض محال اولارق موفق اولونسه بیلر بر مملکت افرادندن بعضیسنک ثروتی منقول ، بعضیسنککی غیر منقول بر حالده بولونور . برنجیلر کندیلرندن طلب اولونان ویرکی بی سهولته ویره بیلیرلر سده اینکجیلر بوکامقتدر اولامازلر . استقراض خصوصی عقد ایتمک مجبوریتی حس ایدرلر . بناء علیه دولتک بو طرز حرکتک نتایج ایله سی استقراض عمومی . عقدی اوزرینه تریید اولونان ویرکیلرک تولید ایده چکی نتایججه نسبتله بک آغیر اولور .

بعض دولتلرک دیون عمومیه سی صرف انشا ایتدکلری امور نافعهدن نشأت ایتمکدهدر : اوسترالیا مستعمره لری کبی . . امور نافعده تیقظ وانتباه ابله بصیرت واحتیاط ایله ولزومی اولان یرلرده ، اک موافق زمانلرده وجوده کتیریلیرسه بونک ایچین عقد اولوناجق استقراضدن مملکت بک زیاده انتفاع ایدر . ذاتاً بوکی امورک ویرکی حاصلاتیلر ایفا اولونماسنه انتظار ایتمک مملکتی سنه لرحه بونلرک منافعدن محروم قیلق اولور . باخصوص که بو امور ایچین عقد ایدیلرک استقراضاتک رأس المالری قرق الی سنه ظرفنده کاملاً تأدیه اولونارق انشات تماماً دولتک النده قالیر وبونلردن الی الابد استفاده ایدیلیر . لکن بو طریقده بک ایلری کیتهمه لی ، عقد ایدیلرک استقراضاتی مملکتده

يك جزئی بر فائده بیلہ تأمین اتمہ به جك اولان بر طاقم تشبثاتہ صرف
ایله ممکن اجتناب اتمه لیدر . عکسی تقدیرده فائده یرینه پاك بویوك
زیانلر حصه-وله کلیر . آمه ریفقا حکومتلرندن بعضیسی بونی نفسلرنده
تجربه ایتشلردر .

استقراضاتك انواع مختلفه سی

۱

استقراضاتك انواع مختلفه سی تدقیق ایدہ جك اولور سه ق بونلرك
باشلیجه ایکی شكلده نظر دقتمزه چاریدینی کورورزكه بری استقراضات
اختیاریه = Emprunts Volontaires ، دیگرى استقراضات مجبوریه =
Emprunts forcés در . استقراضات مجبوریه ده دولت احتیاجات
فوق الماده سنه مقتضى مبالنی تبعه سندن جبراً طلب ایتك تشبثنده بولونوره
استقراضات اختیاریه نك بعضیسنده تبعه سنك حسابات وطنیه سنه مراجعت
ایدر ، بعضیسنده ایسه شرائط عادیه ایله استقراضاتده بولونور .

استقراضات مجبوریه اوج قسمه آریایر : « دولت سجلات رسمیه سنه
مراجعت ایدرك مكلفینك ثروتلری حقسنده آلدینی معلوماته استناداً
استقراض ایتك ایسته دیكى مبالنی بونلر آره سنده ثروتلری نسبتده
تقسیم ایدر . اکثریا بحران زمانلرنده مراجعت ایدیلن بواصولك بر
چوق محاذیری واردر . اولا دولتك سجلات رسمیه سی افرادك ثروتلری
حقسنده قطعی ، مطلق بر معلوماتی محتوی اولمادینی جهتله توزیعده
عدالتلرك وقوعی محققدر . دولت بعضاً یا لکز ولايتلرك حصه سی

تعیین ایدر دك سنجاقلر ككنك تعینى ولايات مجلس اداره سته، قضاار ككنى
سنجاقلر مجالس اداره سته، نواحينك ككنى قضاار مجلسرينه، افراد ككنى ده
بلديه لره حواله ايدر. بعضاً هر مكلفك حصه سنى بر قانون ايله تعین ايدر،
مثلاً، هر فرد احوال عاديه ده تاديه ايتكمده اولدنى بلاواسطه تكالیفك
دوت بش مثلى ویره جكدر، دیر. بعضاً ده دوات اك زیاده مكلف
اولان بمض ولايتلر ك زكنلرينه مراحعت ایدر دك محتاج اولدنى بالنى
اونلردن تدارك ايدر. بو اوچنچى حالده حقسزلق دها مدھش اولور.
مع مافیه استقراضات مجبوريه نك برنجى قسمى داخلنده بولونان بو اوج
صورتده ده دولت حركتى قهطى اساسلره ابتا ايتديره مدبكي ايچين
حقسزلق، عدالتسزلك موجوددر. حقى سجلات رسمیه هر فردك ثروتى
تماماً ارأه ايتسه بيله ينه عدالتسزلكندن قورتولوق ممكن دكلدر. چونكه
يونلرك بمضيسنك ثروتلى منقول، بمضيسنگى غير منقول بر حالده
بولونور. بو نقطه نظر دن عینى مقدار ثروته مالك ايكي شخصك بر برندن
بك فرقى بر موقعده بولماسى ممكندر. ثروتى نقددن عبارت ويا قولايجه
نقده قابل تحویل اولان آدم دولتك طلب ايتديكي مقدارى فضله بر
مشكلاته اوغرا، قسزین ویره بياير. حالوكه ثروتى اراضیدن عبارت
اولان آدم بونك بر قسمى ساتمق، يا خود ترهين ایدر دك خصوصى بر
استقراض عقد ايله مك مجبوريتنده بولونور. ايشته هر فرددن طلب
اولونان فدا كارلر مساوى اولماسندن ناشيدر كه اهالى دولتك بو طرز
حركتى بك زیاده منافی انسانیت بر معامله كې تاقى ايتكمده در. ينه
يوندن دولاييدر كه استقراضات مجبوريه نك بو برنجى قسمى بك غير مؤثر
اولويور. طلب اولونان مبالغ هم بك كچ، هم ده بك نا تمام اولار ق خزينه كيدسيور.
بر طرفدن اهالى حسن نيته حركت ايتديكندن، ديكر طرفدن دولت حجاز اموال دن

اجتناب ایله دیکندن استقراض مجبوری ایله يك جزئی بر مبلغ استحصال
ایدیله بیلور . بعض مؤلفر وقت معینك حولندن اول مکلفیندن طلب
ایدیلن ویرکیلری ده استقراض مجبوری به داخل ایتک ایسته یورلرسده
فائضز اوله زق آلیان بومباغ استقراضدن زیاده ویرکی به یقیندر .

(۲) دولتک متعهدله ، آلاجلیلرینه مدیون اولدنی مبالغه مقابل
رانت سنداتی ویرمه سیدر . اگر بوباده اولدن طرفین آراسنده موافقت
وأتلاف حصوله کلمشه استقراض خفی اولقله برابر اختیاری اولور .
بالعکس دولت ، متعهدك موافقتی استحصال ایله مکسزین بونرك اللرینه
رانت سنداتی ویره جك اولورسه وعدنده خلف ایتش ، مقاوله احکامنه
رعایت ایتمه مش اولور . دولت رانت سنداتی یایاسه ده کی فیأت اوزرندن
یاخود باشه باش یعنی اوستنده محرر فیأت اوزرندن اعطا ایدر . ایکچی
تقدیرده حقسزلق برنجیدن زیاده اولور . باخصوص که دینی رانت سنداتیله
اوده یه جك اولان دولتک اعتباری آز اولدیندن بوسندانك قیمتی بورسه ده
يك دوشکون اولور ، سندلری آلانلرده چوق زیاده زیان ایدرلر . دولت
ظاهراً بومعامله ده بر استفاده مادییه - معنأ غائب ایتدیکی شبهه سز - مظهر
اولمش کی کورونورسه ده حقیقته اوده متضرر اولمشدر . چونکه بوحالی
کوره ن متعهدلر بعدما دولته صاناجقلری اشیایه فی اصلیسندن يك فضله
برفیأت ایسترلر و دولت ده آنجق بوفیائی ویرمك شرطله بایع بولا بیلر .
بناء علیه بو طرز حرکتی اختیار ایده جك بر دولت علنی بر استقراض عقد
ایتسه هم ده مستقیمانه و ناموسکارانه ، هم ده منفعتنه ده موافق بر معامله ده
بولونمش اولور .

(۳) دولتک قیصه وعدملی رانت سنداتی اوزون وعدملی وبلکه ده
مؤبد سندات حالته افراغ ایتمه سیدر که بومعامله به تحکیم Consolidation

نامی ویریلیر . بردولنك دیون عمومیه سنك بر قسبی اوزون وعده لی ، بر قسبی مؤبد یعنی آلاجلینك رأس المالی اصلا طلب ایدمه یه چکی شكلده ، بر قسبی قیصه وعده لی ، بر قسبی ده رأس المالی آلاجلینك ایسته دیکی زمان طلب ایدمه یله چکی شكلده اولور . تحکیم معامله سی صوك ایکی قسم دیونی ایلک ایکی قسم دیون حالته افراغ ایله مکن عبارتدرکه بو اختیار ی اولدینی کوی مجبوری ده اولایلیر . اگر دولت بونی آلاجلیلرینك اختیارینه محول راقیرسه کیسه نك حقوقه تجاوز ایش اولماز . بالعکس قیصه وعده لی ویا هر آن طلب اولونا یله چک رانتلری اوزون وعده لی ویا مؤبد رانتلر حالته افراغ ایتمه رانتیه لری مجبور قیلارسه حقسنز بر معامله ده بولونمش اولور .

استقراض مجبوری بعضاده صورت مجبوریده تداول ایتمک اوزره اخراج اولونمش قوائم نقدیه شکلنده اولورکه بونی آری بر باده تدقیق ایدمه چکز .

استقراضات اختیاریه ده ایکی یه آریلیر . بری استقراضات وطنپرورانه Emprunts patriotiques دیگر ی استقراضات عادیه در .

استقراضات وطنپرورانه ده دولت تبعه نك حسیات علویه وطنیه سنه - مراجعت ایدمه رنك سرمایه پیاسه سنك احوال و شرائط معتاده سنندن دها اهورن بر فائضه کندیسنه اقراضاتده بولونولماسنی طلب ایدر . اهالی دولنك آرادینی بو حسیاته یامالک اولور ، یا اولماز . مالک اولمادینی تقدیرده دولت جبر استعمال ایتمه دیکی ایچین طلب ایتدیکی مبالغه انجاق پک جزئی بر قسمته دسترس اولایلیر . مالک اولدینی تقدیرده طولانله جق پاره احتیاجه کافی کله ییلیرسه ده بالطبع بویله بر استقراضه یالکز یری اهالی اشتراک ایدمه چکنندن ، اجانبك حسیات وطنیه سنه مراجعت اولوناما یا چقندن مملکتك

سرمایه متداولده مدھش بررخنه آچیلش اولور. ذاتاً تجربه ایله مثبتدرکه
بونوع استقراضات مملکتک اعتباری تزیید ایتک شویله دورسون بالسکس
رخنه دار قیلار .

دول متدنه تاریخارنده الک بویوک موقعی اشغال ایدن ، علماده الک
زیاده شایان تصویب اولان استقراضات عادیه ایسه دولتک سرمایه بیاسه سنک
احوال و شرائط عادیه سیله نه فدا کارلق ، نه مرحمت طلب ایدرک ، نه ده
جبر استمال ایله یه رک عقد ایتدیکی استقراضاتدر . بواستقراضاتک صور
مختلفه سنی ذکر ایتزدن اول خصوصی و عمومی استقراضات آراسنده
کوچوک بر مقایسه یاهلم :

امیتلی معتبر بر آدم یوز لیرا استقراض ایدرک اولسه بویوک مقابل
مثلاً ایکی اوچ سنه وعده لی و یوزده بش فاضلی برسند تنظیم ایدوب مقرضه
ویریر . بواستقراضاتک اوصاف مخصوصه سی شونلردن عبارتدر : بورج
مؤبد دکلدره معین بر وعده ایله عقد ایدیلشدره آیینان پاره ایله ویریلرک
پارده نک مقداری مساویدر مقرضاتک استفاده سی اقراض ایتدیکی سرمایه نک
مقدار حقیقیسی اوزرندن آلتیش بر فاضدن عبارتدر .

حال بویوک دولت بوتون بوتون باشقا احوال و شرائطله قانونک اقراده
مساعده ایتدیکی شکلدره استقراض عقد ایدر . اولاً دولتلر اکثریا
اوزون وعده ایله ، بعضاده مؤبد اولارق یعنی آلا جقیلرک مطلوباری
اصلاً طلب ایدرهمه لری شرطیه استقراض عقد ایدرلر . ثانیاً دولتلرک
عقد ایتدکری استقراضاتده مقرضاتک اقراض ایتدکری مبلغ بالا خره
کندیلرینه اعاده اولوناجق مبلغه مساوی اولمایوب اوندن نقصاندره ثالثاً دولت
مقرضاترینه بعضاً بویوکک بر فاض ، بعضاً بریم ویریر ، بعضاده هر سنه
قرعه ایله وانت سنداندن بمضیسنه بر قاج یوز بیک فرائطق بویوک بر

اكراميه اصابت ايتديرير . بونلر صرف مالی منفعتلردن عبارت اولوب
 دولتلر كندى مقرضلرینه قوانین و نظامات موجودیه مغایر بعض امتیازات
 بخش ایدرلر: رانت سندانك بورجه مقابل حجز ایدیللمه مەسی ، ویرکیدن
 معافیتی کبی . بونلرک خارجهنده برطاقم سهولتبر ابراز ایلدنگلری ده واردر .
 عجباً دولتلری دیون مؤبدە عقدینه ، سرمایه دارلری ده بونکا موافقته
 مجبور قیلان اسباب نه در ؟ اولاً یوقاریده سسویلده کیمز کبی هر دولت
 زوال ناپذیر بر شخص عقد اولوندیغندن ، ثانیاً دولتلر میدان تداوله اخراج
 ایتدیکی اسهام و تحویلاتك بدلی معین بر مدت صوکرأ تحصیل اولونماز سه ده
 اشبو سندات بیاسه ده هر زمان تقده تحویل ایدیلله بیلدیکندن سرمایه دارلر
 دیون مؤبدە شکلنده افراضاده بولونمغه موافقت ایدرلر .

دولته کلجه : دیون مؤبدە عقد ایتك بورجی اصلاً اوده مەمك
 معناسنی افهام ایتز . بونوع دیونده یالکز زمان تأدیه تعیین اولونماز ،
 دولت انی ایتدیکی وقت تأدیه دین ایدر . داینلر آلاچقلرینی طلب
 ایدمزلر . دولت ایچین بو صورتله استقراض بوبوك بر منفعت تأمین
 ایدر . زیرا بر وعده تعیین ایدیلش اولسه او وعدهك ختامنده مملكتك
 بر بحران اقتصادی و مالی ایچنده بولونماسی احتمالی واردر . مع مافیه
 دولت اخراج ایتدیکی مؤبد رانت سندانك بورجی اوده یه چکنه دار
 بر قید علاوه ایدءك اولور سه ده احتیاطکارانه بر حرکتده بولونمش
 اولاجنی کبی ، تأدیه دینه نه زمان مباشرت ایدمچکنی تعیین ایدر سه
 ایلریده تحویله دیونی ده پك ممکن قیلش اولور .

دیون مؤبدە اصولی معذور کوستره بیله چك ده بعض سببلر واردر :
 اوزون وعده ايله عقد ایدیلان استقراضاتك تولید ایتدیکی فائده لر دن
 بری نقدك تدنی قیغنی حسبيله بورچك تحصیل ایدمچکی بارك تحفیفدر .

دیون عمومیہ فائضی و رؤس المال یا آلتون یا خود کوموش اولارق تأدیہ ایدیله . آلتون و کوموشك احوال و اسباب مختلفه دن دولای قیمتی تنزل ایدجه دولتک آرقاسنده کی بار دیون آزماش اولور . [۵] چونکه دولت بورجی ینه اسکی مقدار یله تأدیہ ایده جک ، آلتون و کوموشك تدنی قیمتدن ناشی فضله بر مقدار ذی قیمت معدن و یرمیہ جکدر .

ایکجی فائده مرور زمان ایلہ و قوع بولان کشفیات و اختراعات صناعیه نتیجہ سی اولارق مملکتک ثروت عمومیہ سی آرتاجقندن آغیر بر یوکه دها قولای تحمل ایدیله بیلہ سیدر .

اوججی فائده ده دیون مؤبدہ نك بر قاج سنہ صو کرا دولتک اعتبار ینک ایشمه سندن ، مقدار فائضك تنزلدن بالاستفاده دها آز فائضی بر دینه تحویل اولونا بیلہ سیدر .

هر نه قدر دولتک بر شخص مؤبد اولماسی دیون مؤبدہ بی احقاق ایدرسده ادوار مدیدہ حیاتیہ سنده هر زمان معروض اولاجنی مهالک و احتیاجات جدیدہ سیاسیہ ، اقتصادیہ و مالیہ کنديسنی تأدیہ دینه مجبور قیلار . اسکی بورجلر اوده نهمه یوب بونلر دائماً تراکم ایده جک اولور لر سه دیونک فائضی ایراد ملینک بر قسم مهمنی بلع ایدر . هر بطن استقراض عقد ایتدیکنندن ، هر بطن مشکلات قارشیدسنده بولونا بیلہ جکندن بو صورتله دیون مؤبدہ دائماً آرتمه میالدر . بو تراید ذکر ایتدی کمز ایکی سیک تحت تأثیرنده اولارق تخفیف ایدیله بیلر سه ده ینه دیونک دائماً آرتماسی استقباله ایچین بر تهلیکه تشکیلی ایتدیکی کی بویوک بر محذور سیاسی ده تولید ایدر . چوق بورجی اولان دولت حرکاتده سربست اولاماز . بوندن دولای بیدر که دیون مؤبدہ عقد ایددن دولتر امور تسمان اصوله

[۵] علم اقتصاد ، اوججی جلد

وعایت یعنی هر سه پیاسه دن بونلرک بر مقدارخی اشترا ایدیورلر . فقط استقراض سندندم مقید اولمایان بر آمورتیسمانک اجراسی رجال حکومته برچوق اوصاف حسنه نك و جودینه متوققدرکه بوکا مع التأسف هیچ بر رده تصادف اولونامیور .

بناءً عليه ديون مؤبده اصولندن فراغت ايتمك دها مصيب ودها موافقدر. دولت افراد وحتى نواحى ومؤسسات ايجين مساعده ايتمه ديكى برطرز استقراضه بالذات ده توسلى ايتمه مه ليدر .

ایسته استقراضات اختیاریه نك برنجی نوعی اولان دیون مؤبدہ
حقندہ ویرہ حکمز معلومات بوندن عبارتدر . اختیاری استقراضات بوندن
باشقہ دها درت صورتلہ منعقد اولورکہ برنجیسی اراد عمری صورتندہ
En rantes viagères ، اینجیسی فائض برمدت معینہ ختامندہ کسملک
اوزرہ En annuités terminables ، اوچنجیسی موقت کشیدہ لرلہ
اطفا ایدیلہ جاک تحویلات اخراجیلہ En obligations amortissables
دردنجیسی معین بر مدندہ تأدیہ اولوناجق سندات اخراجیلہ En bons
remboursables عقد اولئان استقراضاتدر . بونلرک دردینکده خاصہ
میزہ سی دینک مؤبد اولمایوب یا بر مدت صکرہ تأدیہ ایدیلہ سی ، یاخود
تأدہ ایدیلکسزین حکمدن ساقط اولماسیدر .

ایراد عمری صورتندہ استقراض عقدی ہوکون ہان کاملاً ترک
ایڈیشن بر اصولدر . ہو طرز استقراض بر سیغورطہ معاملہ سی دیمکدر .
انکثرہ نک ہو یوک پیت زمانندہ کی بر میلیون انکلز لیرالق استقراض ایراد
عمری شرطیلہ عقد اولونشدی . یوز انکلز لیراسی ویرن ہر فرد یا
کندی جیائندہ یاخود تعیین ایئدیکی آدمک مدت حیاتجہ سنوی ۱۴
انکلز لیراسی آلیوردی . دولٹ بورادہ ایفا ایئدیکی وظیفہ بر سیغورطہ

وظیفه‌های ایدی . فقط اوزمان مختلف یاشارده بولونانلرک حیات محتله‌لری حقیقه‌کی جداول هنوز ترتیب ایدیللمش اولدیغندن حکومت بومعاملاتده اکثریا آلدانیردی .

توتین اصولیه عقد اولونان استقراضلرده بوراده ذکر ایدیلله بیلیر عینی یا شسیده آدملرک ، عینی مقدار وضع اتمه‌لری و الک صوک بر حیات قالانلرک ، اوله نلرک وضع ایتدکلری مبالغی یا خود بونک فائضی آرانلنده تقسیم ایله مه‌لری شرطیه تشکیل ایدمن جمعیتلره توتین دینیلیر . بونی قوران توتی نامنده برایتالیان بانکر اون یدنجی عصرده فرانسه‌ده موقع اجرایه وضع ایتشدیر .

دولت توتین اصولیه استقراض عقد ایدجکی وقت اولا استقراضه قید اولوناجقملری سنلرینه نظراً اون اون بش صنفه آیییر . هر صنف افرادینه مساوی اولارق مثلاً یوزده اون فائض ویریر ، لیکن بو فائض یالکز ایلك سنه ایچوندر . زیرا هر صنف افرادندن بری اولدجکه اونک حصه‌سی دیگرلری آراسنده تقسیم اولوناجقندن بوضورتله هر سنه فائضک مقداری آرتار و هر صنفده الک صوک بر حیات قالار کیمسه ویردیکی رأس المالك اون بش یکرمی مثلی فائض آلابیلیرکه توتین اصواتک اساسی بودر .

انگه‌تره ، فرانسه‌ده ایکی اوج دفعه توتین اصولیه استقراض عقدی تشبثنده بولونولشدیر .

بو ایضاحاندن آکلاشیله جنی وجه ایله توتین اصولی اداره طرفندن برحقوق قییدات اجرایی استلزام ایتدیکندن وباخصوص سیفورطه‌جیاق دولنک وظائفی میاننده بولونمادیغندن ایراد عمری صورتنده استقراض عقدندن فراغت ایدوب دیگر اصوللره مراجعت ایتمک لازمدر . ایراد

عمرینک، ایکی شکلی دها واردر که بری دفعه هم ایراد عمری هم ایراد مؤبد صورتند عقد اولونان استقراضاندر . بوراده دیون، دیون مؤبدله اولارق عقد اولونور، فقط بوکا قید اولونانلره بر فائده فرعیه اولوق اوزره مدت حیاتلرنجه فضله بر ایرادده ویریلیر که بواشکال اک زیاده انکلترده تعقیب ایدیلشدر. دیگرى مؤبد رانلرک بالاخیار ایراد عمری صورته تحویلیر که بوندن ده مقصد بار دیونی استقباله تحمیل ایدیه جک برده حاله، بطن حاضره تحمیل ایتکدر . انکلتره بودردنجی شکلی حالا موفقیتله اجرا ایله مکنده در .

فائض بر مدت معینه ختامنده کسلیک اوزره عقد اولونان استقراضانده ابتدا انکلترده مراجعت ایدیلشدر . دولت بر استقراض عقد ایدیه رک بوکا داخل اولانلرک اله ۹۹ سنهیه قدر چیقان معین بر مقدار فائض تأدیه ایتک شرطیله بر سندن ویزیر . بومدت ختام بولنجه فائض تأدیه ایدیلز، رأس المالده محو اولور کیدر . بوراده استقراضه اشتراک ایدنلر سرمایه لرنی، ایراد عمری صورتند اولدینی کبی حیاتلریله مقید بر مدتله دکل، ۹۹ سنه مدتله و بر دها استرداد اولونمامق شرطیله اقراض ایدیورلر . انکلتره هر نه قدر بونک ایچین حد نهایه اولارق ۹۹ سنه بی تعیین ایتشهده بو مدتک دها، ۲۰۰ سنه اولماسندهده بر محذور یوقدر . مع مافیه انکلتره بونی مقرضلرینه ایکنجی درجهده بر فائده کبی استعمال ایتش، تماماً بوضورتله بر استقراض عقد ایله مشدر . دیون مؤبدله صورتند وقوع بولان استقراضه مثلاً ۸۰،۷۰ سنه مدتله دیونک اصل فائضندن ماعدا سنوی بر رانت ویرمکی ده تمهد ایتشدر . مع مافیه ۹۹ سنه، ۱۵۰ سنه حیات بشره نسبتله پک مهم بر مدت اولدیتندن بر دولت بواصولی بر فائده فرعیه کبی قبول ایتوب دوغروندن

دوغرویه بوصورتیه بر استقراض عقد ایدیه جك اولورسه ینه موفق اولماسی و دیون مؤبدہ فائضنه مساوی بر فائضله استقراض عقد ایدیه یلہسی ممکندر .

متوالی کشیده لرله اطفاء و احما ایدیلہ جك تحویلات اخراجی دولتی تنزیل دیونہ مجبور قیلاز و هر سنہ تأدیہ اولوناجق مبلغ بویوک بر مقدار اولمادیغندن سنہ نك مصارف عادیه سی میانه قید ایدیلہ ییلیر . عقد اولونان استقراضك ۲۰ ، ۶۰ ، ۹۰ سنہ ظرفندہ تماماً احما اولوناجنی قرارلاشدیریلیر . هر سنہ آمورتیسمان مقابل اوله رق نہ قدرچوق بر مبلغ ویریلیرسه بومدت اوقدر آز اولور . مدت تعیین ایدیلدکدن صوکر ا هر سنہ قاچ تحویل احما ایدیلک لازم کله جکنه دائر بر آمورتیسمان جدولی ترتیب و تنظیم اولونور . ایلک سنہ سی فائضنك مقداری زیاده ، آمورتیسمانه تخصیص ایدیلن مقدار آز اولور . حال بوکه سنہ لر کچدکجه فائضدن قازانیلان مقدارده آمورتیسمانه علاوه اولونور . یعنی ایلریده کی سنہ لرده ده ا زیاده تحویلات اطفاء اولوندینی حالده بوندن دولایی خزینه یه فضله بر بار تحمیل ایدیلش اولماز . بودجه ده تابوم اطفایه قدر هپ عینی مبلغ مقید بولونور . حسابات کال دقتله اجرا ایدیلدیکی ، جدول لر تعمیمات و تدقیقات ایله ترتیب و تنظیم اولوندینی ایچین دولت بومعاملده خطا ایتمز . استقراضك زمان تأدیہ سنك ، بحران سیاسی ، اقتصادی و مالی یه مصادف اولماسی تهلیکهنی تولید ایتیمیه جکی ایچین معین برمدتده تأدیہ ایدیلہ جك استقراضانه ترجیح اولونور . دیون مؤبدیه نسبتله محذوری ، مملکتده مقدار فائض تنزل ایتدیکی زمان بیله مقرر ضلرك تحویل دیونہ موافقت ایتمه مه لیدر . مع مافیه سندات پك آغیر

بر فیات ایله اخراج اولونما مشه بوضورتله عقد ایدیلهن دیونك دها آز
فائضلی بر دینه تحویل ایدیله بئله سنده عدم امکان یوقدر . مالیه لری فنا ،
اعتبار لری آز اولان دولتر ایچین بو موقت کشیده لی استقراضات پك
مناسبدر . زیرا بویج نهایت یکر می اوتوز سنه ظرفده تأدیه اولونا چقندن
مقرض لر بو مدته دولتك تأدیه دینه غیر مقتدر بر حاله کله میه جکنی ،
یا خود کندی تحویل لرینك ایلك کشیده لرده اصابت ایده جکنی امید
ایله یه پك اقراضاته موافقت ایدر لر ، دیون مؤنده یی دولت ایستدیکی
زمان تأدیه ایتك اقتدارینی حائر در ، بونك ایچون دائماً تحویل دیونه ده
مقتدر در . دولت ایستدیکی زمان تأدیه ایتك صلاحیتی حائر دکلدر .
بوندن دولانی تحویل دیونی ده اجر ایده من مکرکه بونوع دیونه متعلق
سنداده وعده نك حلولندن اول تأدیه دین ایده بئلك شرطی ده علاوه
ایدیلش اوله !

موقت کشیده لرله اطفا اولونان تحویلاتی اشتراکه مقرض لرك
استفاده لری واردر . بو تحویلات اکثر یا پردن یعنی قیمت محروم دن - که
دولت بالاخره بو قیمتله تأدیه ایده جکلدر . پك دون بر فیات ایله موقع
تداوله وضع ایدیلر . مثلاً یوزی سکسانه اولارق چیقار یلر . ایلك
کشیده لرده تحویلاتی چبقان مقرض لر آراده کی فرق درجه سنده مستفید اولور لر .
لکن دولت ده بوندن متضرر اولماز . زیرا اولاهر سنه تأدیه ایدیلهن
مقدار جزئی اولد یقندن بریم دولایسیله استقراضك تأدیه سنه تخصیص
اولونان مقدار پك آز آرتار . ثانیاً مقرض لر بومنتقمه قارشى فائضك
بر قسمی ترك ایتك راضی اولور لر ، یعنی دها دون بر مقدار فائضله
اقراضاتده بولونور لر . موقت کشیده لرله اطفا اولونان تحویلاتك
بعضیسنه پریمدن ماعدا برده اکر امیه اصابت ایتدیریله چك اولور سه خلقك

انظار رغبتی ده‌ها زیاده جلب ایدیلش اولور . بو تقدیرده مقررصار بویوک اکرامیه‌لری قازانقی هوسیه قائلک مهم بر مقدارخی ترک ایدرلر . مع مافیه دولتده بویوک اکرامیه‌لری ویرمکدن متضرر اولماز . فرض ایدلم که یوز میلیون فرانلق بر استقراض عقد ایدر . بونک قاضی یوزده اوچدن اولسه سنوی ۳ میلیون فرانلق ویرمک لازم کله جک . حال بوکه مقررصاره یوزده ۲۵۰ فائضله برابر بری ۱۰۰ دیکری ۵۰ اونیده اون بیک فرانلق اولق اوزره اکرامیه لر تکلیف ایتمسه بوندن غائب اتمه یوب بالعکس قازانیر . زیر اولجه اوج میلیون فرانلق ویرمک ایکن شیدی ۲,۷۵۰,۰۰۰ فرانلق ویرمش اولور .

استقراضات اختیاریه نک صو کجیسی ده یامین بر وعده نک حلولنده یا خود اولدن تعین ایدیلش بر زمان ایچنده تأدیه ایدیه جک تحویلات اخراجیه وقوع بولان استقراضاتدر . دولت استقراض ایستیک مبالغی یا ۳، ۵، ۱۰ سنه صو کرا تأدیه ایتمکی تعهد ایدر؛ یا خود مثلاً حین استقراضده ۴-۱۰ دییه بر مهلت تعین ایلرکه بوده تحویلاتک اخراجندن درت سنه صو کرا تأدیه باشلانایله جکنی ۱۰ سنه صو کرا تأدیاتک ختام بوله جقی کوسریر . بواصولده دین بر مدت صو کرا ختام بولورسه ده عقد ایدیلش اولان استقراضک بر آنده تماماً تأدیه سی ایجاب ایدر جکندن اکثریا بودجه نک واردات عادییه سی بوکا کافی نظر . بر استقراضدن قور تولق ایچین یکی بر استقراض عقد ایتمک لازم کلیر . برنجی محذور بو ، اینجیسی ده اولدن تعین ایدیلن وعده نک بر بحران زمانه تصادف ایتمه سی ، بوضورتله دولنک ایفای تمهده هققدر اولامه سیدر . بو محذوره بر درجه یه قدر قارشلی کلک ایچیندرکه ذکر